



Սայաթ Նովա

Ինչ կոնիմ հեքիմը

Էսպես Շիրվանի հանգում, որ ասում են Յուլարունգդան: Էսպես Արութինն ու իր սիրեկանը որ խոսել են, Էն է:

Ինչ կոնիմ հեքիմը, ի՛նչ կոնիմ ջարեն,
Քու տրվածը ուրիշ դիդ է, ուրիշ դիդ:
Էրում է մրհլամը, չէ լավնում յարեն.
Քու տրվածը ուրիշ դիդ է, ո՛ւրիշ դիդ:

Ասաց թե՛ հիռա՛ցի գըլխ՛են՛մես, գընա.
Քու ասածը ուրիշ տիդ է, ո՛ւրիշ տիդ.
Էտ քու արարնունքսը քիզի չի մընա,
Քու ասածը ուրիշ տիդ է, ո՛ւրիշ տիդ.
ուրիշ տիդ, ամա՛ն, ո՛ւրիշ տիդ:

Ասի թե՛ Էշխենեդ չիմ հանքչում տանըս,
Ձեռնիրըս թըլացավ՝ չէ շինում բանըս,
Էրվեցավ շիգարըս, մաշվեցավ ջանըս,
Քու տրվածը ուրիշ դիդ է, ո՛ւրիշ դիդ:

Ասաց՝ իմ դիդենեն քիզ չը կա չարա,
Գընա՛, թե խիլք ունիս՝ գլխիդ ճար արա,
Թե չէ՛ անիլ կու տամ քիզ փարա-փարա.
Քու ասածը ուրիշ տիդ է, ո՛ւրիշ տիդ:

Յիս բըլբուլ իմ, վարթըսս սընաց խարունը.
Կըրակ դըրիս սըրտիս խուցի յարունը.
Վո՛նց գըրանքունը կա, վո՛նց դավթարունը,
Քու տըվածը ուրիշ դիդ է, ո՛ւրիշ դիդ:

Ասաց թե՛ քի գարար շինեցիր շահ՛ըդ.
Կըտըեցիր ադաբըդ, կըտըեցիր ահըդ.
Մի՛ վիթի արունըդ, մի՛ շանց տա մահըդ.
Քու ասածը ուրիշ տիդ է, ո՛ւրիշ տիդ:

Ասի թե՛ մագիրդ սիրմա սիմ իս անում,
Հենց գիդիս՝ չիմ գիդի, յա՛ր, չիմ իմանում.
Մերըդ ինձ մահ դառավ՝ է՛լ չիմ դիմանում,
Քու տըվածը ուրիշ դիդ է, ո՛ւրիշ դիդ:

Թաքավորի թագի լայիդ քարըն իմ,
Շիրինի պես Փահրադի դիդարըն իմ,
Յիս է՛ն գըլխեն Սայաթ Նովու յարըն իմ,
Քու ասածը ուրիշ տիդ է, ուրիշ տիդ:

Հիդըս խոսի, մի՛ կենա խըռովի պես.
Տալդա տըվիր, գեմիս տարար, ծովի պես.
Կու մեռնիմ, չի՛ս տեսնի Սայաթ Նովի պես.
Քու տըվածը ուրիշ դիդ է, ո՛ւրիշ դիդ.
ամա՛ն, ո՛ւրիշ դիդ: